



**CONSELLO DA
CULTURA GALEGA
OBSERVATORIO DA
CULTURA GALEGA**

Web
consellodacultura.org

Twitter:
[@consellocultura](https://twitter.com/consellocultura)

Facebook:
facebook.com/consellocultura

Correo:
medios@consellodacultura.org

Telf:
+34 981 95 72 02

20/05/2014

As empresas culturais en Galicia

Este informe ofrece datos sobre as empresas do ámbito cultural. En primeiro lugar, descríbese a información dispoñible relativa ao número de empresas situadas en Galicia cuxa actividade económica principal pertence ao ámbito cultural, delimitándose este segundo a actividade económica que desenvolve, e en comparativa con outras comunidades autónomas. Tamén se ofrecen datos do Directorio Central de Empresas do Instituto Nacional de Estadística (INE) e da Explotación do Boletín Oficial do Rexistro Mercantil que realiza o Instituto Galego de Estatística (IGE). En segundo lugar, para aquelas actividades nas que foi posible, achegáronse determinados agregados económicos tales como volume de negocio, valor da produción, valor engadido bruto a prezos de mercado, remuneración dos asalariados, consumos intermedios e excedentes de explotación a partir das Contas Económicas de Galicia do IGE.

A delimitación das actividades económicas que se inclúen no ámbito cultural dos datos que se presentan veu condicionada pola dispoñibilidade de desagregacións da Clasificación Nacional de Actividades Económicas de cada unha das fontes citadas. Así, polo que se refire aos datos relativos ao número de empresas, obtidos do Directorio Central de Empresas, na delimitación do ámbito cultural consideráronse aquelas empresas cuxa actividade económica principal é algunha das seguintes (inclúese o seu código segundo a Clasificación Nacional de Actividades Económicas CNAE-2009):

- 181 Artes gráficas e servizos relacionados con estas.
- 182 Reprodución de soportes gravados.
- 264 Fabricación de produtos electrónicos de consumo.
- 268 Fabricación de soportes magnéticos e ópticos.
- 322 Fabricación de instrumentos musicais.
- 4743 Comercio por xunto de equipos de audio e vídeo en establecementos especializados.
- 4761 Comercio por xunto de libros en establecementos especializados.
- 4762 Comercio por xunto de xornais e artigos de papelería en establecementos especializados.

DATOS &
INFORMES



CONSELLO
DA CULTURA
GALEGA

- 4763 Comercio por xunto de gravacións de música e vídeo en establecementos especializados.
- 581 Edición de libros, xornais e outras actividades editoriais.
- 591 Actividades cinematográficas, de vídeo e de programas de televisión.
- 592 Actividades de gravación de son e edición musical.
- 601 Actividades de radiodifusión.
- 602 Actividades de programación e emisión de televisión.
- 6391 Actividades de axencias de noticias.
- 741 Actividades de deseño especializado.
- 742 Actividades de fotografía.
- 7722 Aluguer de cintas de vídeo e discos.
- 900 Actividades de creación, artísticas e espectáculos.
- 910 Actividades de bibliotecas, arquivos, museos e outras actividades culturais.

Con todo, non foi posible contemplar outras actividades culturais para as que non se dispón de información coa desagregación necesaria, por estaren incluídas en epígrafes agregados a outras actividades non consideradas culturais.


Número de empresas culturais

Segundo a Estatística de Empresas Culturales do Ministerio de Educación, Cultura y Deportes, Galicia conta con 5.440 empresas culturais. Nos últimos cinco anos este censo creceu en 26 unidades en Galicia, mentres no total de España o descenso foi de 1.170, unha tendencia positiva para a comunidade galega que se estabiliza no 5,4% do total das empresas culturais situadas en España, unha décima porcentual por riba de anos anteriores.

Con todo, hai sectores que si experimentaron unha baixada significativa, como é o caso daquelas empresas relacionadas con actividades de comercio e aluguer de vídeos, un sector que obviamente se ve afectado pola forte implantación das novas tecnoloxías e Internet.



Número total de empresas culturais. Comparativa Galicia-España



Fonte: Instituto Nacional de Estadística. Directorio Central de Empresas

As empresas culturais, en xeral, susténtanse dende o punto de vista funcional, en dous piares básicos: as actividades da industria e dos servizos, a de maior representatividade, e as actividades de comercio e aluguer. O primeiro tipo de empresas abrangue numerosos campos profesionais, aínda que o máis significativo é o dedicado á creación artística e de espectáculos; no seu conxunto constitúe o 25,9% da actividade empresarial cultural de Galicia.

Dende 2010, as empresas que experimentaron unha maior caída foron as que se ocupan das actividades relacionadas co cine, vídeo, radio e televisión, así como edición musical. No polo oposto, as que se ocupan de cuestións vinculadas ás bibliotecas, arquivos e museos e, en menor medida, pero tamén cunha tendencia positiva, a edición editorial.

Número de empresas culturais por actividade económica en Galicia

	2008		2009		2010		2011		2012	
	Total	%	Total	%	Total	%	Total	%	Total	%
Total	5.414	5,3	5.439	5,3	5.437	5,3	5.545	5,4	5.440	5,4
1. En determinadas actividades da industria e dos servizos	3.418	4,6	3.544	4,7	3.668	4,7	3.664	4,8	3.657	4,9
1.1. Actividades de bibliotecas, arquivos, museos e outras actividades culturais	76	5,5	67	5,0	133	3,9	158	4,2	180	4,2

DATOS &
INFORMESCONSELLO
DA CULTURA
GALEGA

1.2. Edición de libros, xornais e outras actividades editoriais	332	3,9	345	4,1	364	4,1	359	4,2	357	4,2
1.3. Actividades cinematográficas, de vídeo, radio, televisión e edición musical	417	4,0	440	4,1	386	3,9	401	4,1	387	4,1
1.4. Actividades de axencias de noticias	1	1,2	1	0,6	1	0,6	1	0,6	2	1,6
1.5. Actividades de deseño, creación, artísticas e de espectáculos	1.207	4,8	1.307	4,9	1.452	5,0	1411	5,2	1412	5,2
1.6. Actividades de fotografía	573	5,5	582	5,7	542	5,8	559	5,6	543	5,8
1.7. Artes gráficas e reprodución de soportes gravados	786	4,4	775	4,5	769	4,7	752	4,7	750	4,8
1.8. Fabricación de soportes, aparatos de imaxe e son, e instrumentos musicais	26	7,5	27	7,8	21	6,3	23	7,5	26	8,3
2. En determinadas actividades do comercio e aluguer	1996	7,0	1895	6,9	1769	6,9	1881	6,8	1783	6,7

Fonte: Instituto Nacional de Estadística. Directorio Central de Empresas

O volume de empresas culturais no conxunto de España é de 101.342 sociedades. Madrid (22.751), Cataluña (19.802) e Andalucía (13.130) son as comunidades con maior número, seguidas da Comunidade Valenciana, que se achega ás 10.000 empresas e, xa a máis distancia, País Vasco. Galicia ocupa o quinto lugar.

Pódese seguir unha metodoloxía distinta realizando unha explotación directa do Directorio de Central de Empresas do INE. Esta análise permite a obtención do estrato de asalariados de cada empresa, pero cunha desagregación menor das actividades, polo que os resultados poden variar respecto da análise anterior.

Número de empresas culturais en Galicia por estrato de asalariados

	2008	2009	2010	2011	2012	2013
Sen asalariados	3.435	3.535	3.675	3.800	3.697	3.655
De 1 a 2 asalariados	1.784	1.733	1.636	1.650	1.721	1.812
De 3 a 5 asalariados	444	464	454	471	442	456
De 6 a 9 asalariados	202	195	198	199	193	171
De 10 a 19 asalariados	150	142	132	134	111	117
De 20 a 49 asalariados	49	51	42	44	38	34
De 50 a 99 asalariados	19	19	20	15	19	17
De 100 a 199 asalariados	15	17	13	15	9	8
De 200 a 499 asalariados	2	1	3	2	2	1
De 500 a 999 asalariados	3	2	1	1	1	1

Fonte: INE: Directorio Central de Empresas (DIRCE)

No tocante ao estrato de asalariados das empresas culturais en Galicia, obsérvase que en 2013, o 58,3% destas non tiñan ningún asalariado e que, polo tanto, a fórmula máis elixida para o sector cultural é o auto emprego. Así, o 99,6% son PEMES con menos de 50 traballadores. A



partir de 2011 tende a diminuír o número de empresas sen asalariados ou as que contan con entre 20 e 49 asalariados, mentres que aumentan as que teñen 1 ou 2 asalariados. Destaca, así mesmo, o feito de que aínda que o número de empresas culturais de entre 3 a 5 empregados descendera considerablemente en 2012, estas aumenten de novo en 2013 (14 empresas máis).

A terceira explotación que se ofrece realízase a través do Boletín Oficial de Rexistro Mercantil do IGE e permite medir a demografía das sociedades mercantís en Galicia, ofrecendo información daquelas empresas creadas e rexistradas durante o mes de referencia.

Sociedades mercantís do ámbito cultural constituídas

	2012	2013	2014*
18. Artes gráficas e reprodución de soportes gravados	16	11	7
58. Edición	14	5	4
59. Actividades cinematográficas, de vídeo e de programas de televisión, gravación de son e edición musical	6	8	4
60. Actividades de programación e emisión de radio e televisión	7	4	1
63. Servizos de información	2	4	6
90. Actividades de creación, artísticas e espectáculos	20	14	6
91. Actividades de bibliotecas, arquivos, museos e outras actividades culturais	0	1	0
Total empresas culturais	65	47	28
Porcentaxe sobre o total de sociedades mercantís	1,54%	1,10%	1,78%

Fonte: IGE. Explotación do Boletín Oficial do Rexistro Mercantil (BORME)

*Ata abril

Segundo os resultados, a creación de empresas culturais en 2012 foi superior a 2013, sendo A Coruña a provincia na que se fundaron máis empresas deste tipo en 2013. Nos catro primeiros meses de 2014 creáronse 27 empresas culturais, case o dobre das creadas no mesmo período de tempo en 2013.

Comportamento macroeconómico das actividades culturais

Os datos macroeconómicos que ofrecemos a continuación proceden da explotación das Contas Económicas Anuais de Galicia. O último ano publicado é de 2011. Os resultados están compostos polas actividades recollidas nas empresas culturais agrupadas nas seguintes ramas da Clasificación Nacional de Actividades Económicas (CNAE 2009):

- Artes gráficas e reprodución de soportes gravados.
- Edición.
- Actividades cinematográficas de vídeo e televisión, gravación de son e edición musical; actividades de programación e emisión de radio e televisión.
- Actividades artísticas, recreativas e de entretemento.

A produción a prezos básicos deste conxunto de actividades económicas, é dicir, o que os produtores reciben dos compradores, sitúase no último ano de referencia en 2.715 millóns de euros. Pola súa parte, o valor engadido bruto (a diferenza entre a produción e os consumos



intermedios) ascendeu 1.321 millóns de euros, un 2,58% do total de Galicia. O resto dos indicadores obteñen os resultados que aparecen na seguinte táboa.

Cadro macroeconómico das actividades culturais en Galicia

	2011	Taxa de variación interanual
Produción a prezos básicos	2.716	-0,91%
Consumos intermedios	1.395	-0,18%
Valor engadido bruto	1.321	-1,66%
Remuneración de asalariados	887	2,19%
Excedente bruto de explotación	525	-8,88%

Fonte: IGE. Contas económicas de Galicia. Base 2008. Serie 2000-2011

As taxas de evolución entre 2010 e 2011 amosan un empeoramento de todos os indicadores agás a remuneración dos asalariados. O excedente bruto de explotación descendeu máis dun 8%. A evolución por actividades amosa os seguintes resultados:

Evolución da Produción a prezos básicos das actividades culturais en Galicia (miles de euros)

	2007	2008	2009	2010	2011
Artes gráficas e reprodución de soportes gravados	292.186	295.234	288.097	281.792	292.183
Edición	306.179	309.373	269.539	255.766	244.287
Actividades cinematográficas de vídeo e televisión, gravación de son e edición musical					
Actividades de programación e emisión de radio e televisión	503.015	497.719	469.527	444.110	458.982
Actividades artísticas, recreativas e de entretemento	1.611.857	1.725.826	1.750.008	1.758.686	1.720.057
Total	2.713.237	2.828.152	2.777.171	2.740.354	2.715.509


Fonte: IGE. Contas económicas de Galicia. Base 2008. Serie 2000-2011

Os datos dos anos 2010 e 2011 son provisionais

Como se pode ver, as actividades con máis descensos na produción entre 2008 e 2011 foron as relacionadas coa edición.

No tocante ao comportamento do valor engadido bruto, as actividades culturais amosan unha evolución semellante á do conxunto das actividades, pero cunha taxa de contracción inferior en 2009 e 2010, ano no que as actividades culturais creceron un 0,4%. En 2011, a caída é sensiblemente maior.

Evolución do Valor Engadido Bruto a prezos correntes (miles de euros) en Galicia




Fonte: IGE. Contas económicas de Galicia. Base 2008. Serie 2000-2011
Os datos dos anos 2010 e 2011 son provisionais

Sector exterior

No referente ao sector exterior, as empresas culturais galegas exportaron uns escasos 4,2 millóns de euros. A tendencia nos últimos anos é negativa.

Evolución das exportacións en Galicia



Fonte: Instituto Galego de Estatística

Tal e como se pode ver na gráfica superior, a evolución das exportacións das empresas culturais contrasta co conxunto de actividades económicas, xa que están orientando a súa actividade cara a mercados externos pola baixada da demanda interna.

Conclusiones

En xeral, o número de empresas culturais apenas varía en Galicia mentres baixa en España. No abano comprendido entre as actividades da industria e dos servizos o maior número de empresas culturais galegas correspóndese con actividades de deseño, creación artística e de espectáculos. Galicia é a quinta comunidade autónoma española por número deste tipo de

DATOS &
INFORMES



CONSELLO
DA CULTURA
GALEGA

empresas. No referente ao tamaño das empresas por número de asalariados, pódese afirmar que o 99,6% das empresas culturais galegas son PEMES. O ritmo de creación de empresas culturais é maior nos catro primeiros meses de 2014 que no mesmo período de 2013.

No referente á produción, as actividades económicas da cultura achegaron o 2,58% do valor engadido bruto, uns 1.321 millóns de euros. A produción, os consumos intermedios e o excedente bruto de explotación baixa entre 2012 e 2011, último ano de referencia. A evolución dalgúns indicadores económicos amosan una recuperación maior da actividade cultural en 2010 e un resultado peor en 2011 que o conxunto da economía. Unha das materias pendentes do sistema produtivo da cultura segue a ser o sector exterior, xa que as empresas culturais exportan moi pouco.